

周易二問記

周易二閭記 卷上

會稽茹敦和遜來穠

二閭者其一曰茶閭。居紫洪之山。距越城二十里。其一曰薑閭。居栖鳧之山。距越城十二里。茶閭能爲茶。時負茶筐。趨城闐賣之。其歸也。山暝。路黑。虎聲嗥然。因叩薑閭而求宿焉。兩人者。山葵野酒。輒耦坐說詩。其說詩無家法。率以臆。往往多創獲。聽之頗解。乾隆之三年。敦和始繫籍爲諸生。讀易而苦之。煩懣室路。連數月。二閭者聞而造其室。曰。孺子何所苦。則敬對曰。苦易。易何苦。則又敬對曰。苦其辭。茶閭曰。如以辭而已。則吾能以說詩者說易。薑閭曰。若販茶不已。乃販詩。販詩不已。又販易。

也。易辭古。非若所知也。茶間曰。唯然。吾過矣。然自是敦  
和。以易辭請。二閭者。必彼此卜度。擇其可而復之。或問  
及卦氣。爻辰。與先後天之說。二閭者。皆不答。二閭之說  
詩也。有老諸生姚氏。削牘記焉。二閭曰。吾兩人者。生太  
平。居山中。聊以說經爲樂。雖然。兔園爾。不足以爲名。則  
慎。無著我名。因名之曰。兔園詩。敦和乃并記其所以爲  
易者。

何以謂之易也。茶間曰。傳曰。生生之謂易。聖人於蓍言  
生。著於卦言生。卦著卦之生。皆其不窮於生者。故謂之  
生。生。薑閭曰。四營而成易。十有八變而成卦。謂之四營  
而成變。可謂之十有八易。而成卦。可易者。變爾。變也者。

者與卦之所以生生者也。

何以謂之三易也。茶閭曰：此在周禮有之。太卜掌三易之法：一曰連山，二曰歸藏，三曰周易。又簪人掌三易以辨九筮之名：一曰連山，二曰歸藏，三曰周易。連山、歸藏，吾不知其所言何等也。唯周禮又言之，其經卦皆八，其別皆六十四。然後知其卦也。且有經有別也。曰：洪範曰：擇建立卜筮人，三人占，則從二人之言。故金縢卜三龜，而士喪禮筮宅，則東面旅占。茶閭曰：旅占，獨喪禮哉。旅占之用三易，豈有明文哉。薑閭曰：置之。吾兩人者，皆愴爾。周易之不能知，豈能知三易哉。

乾初曰潛龍，何以不言其在也。茶閭曰：爾雅潛深也。又

曰潛深測也。以其不測。故謂之測也。我知其潛而已矣。不知其在也。

四則曰或躍在淵何也。茶閭曰。兩其龍。彼潛而此躍。則或之一其龍。昔潛而今躍。則又或之。或者。或者其躍也。雖然。此躍焉者。適從何來。或者其在淵乎。或者又所以或淵也。蓋閭曰。昔不知其在淵。今知其其在淵也。或躍而仍在于淵。或之以益明其在也。躍新而淵故。躍異而淵同也。易之言淵者二。乾四曰在淵。訟之彖傳曰入於淵。大人何也。茶閭曰。經之言大人者多矣。如士相見禮。禮運。論語。前儒望文而爲義。無定說。乾之大人。則向秀曰。聖人在位。謂之大人。

利見何也。茶閭曰：此見禮也。士相見于五禮，屬賓禮等而上之。春朝、夏宗、秋覲、冬遇，時會殷同，此六者是五等諸侯見天子之禮。蓋自五玉三帛下至用羔、用豚、用麇、用雁、用鴈、用鴈、用雞、用束脩，凡有贄者皆見禮。統天何也。茶閭曰：公羊大一統，何休注：統始也。三正謂之三統矣。孟子創業垂統，亦此義。說文：以統爲紀，以紀爲絲，別。

鬼神何也。茶閭曰：據周禮在天曰神，在地曰示，在人口鬼。簡言之，則示亦爲神，故曰鬼神。又簡之，則鬼亦爲神，故知神之所爲可與祐神皆直曰神也。惟康成以爲木火之神，生物、金水之鬼，終物。中庸疏遂有所謂陰陽鬼

神人之鬼神者。薑閭曰。氣也者。神之盛也。魄也者。鬼之盛也。合鬼與神。教之至也。此其說從來遠矣。又爾雅鬼之爲言歸也。

坤三訟三曰。或從王事。何也。茶間曰。四牡。天子之使臣也。其詩曰。豈不懷歸。王事靡盬。北門者。外臣也。其詩曰。王事適我。政事一埤益我。先言王事後言政事。尊之也。蓋五爲天子之位。則三爲外臣焉。不則天子之臣行役而在外者焉。其子事也。得不謂之王事。與記以大饗爲王事。則王者之事。異於諸侯之事。別有義。與此不同。

囊何也。茶間曰。說文。囊。橐也。橐。囊也。而詩傳。迺曰。小曰橐。大曰囊。陸德明音義。以爲有底曰橐。無底曰囊。師古。

漢書注。又以為無底曰橐。有底曰囊。小義爾。乃紛紛如此。不能決也。薑閭曰。於易有囊無橐。蓋先言囊矣。囊之為言襄也。襄者包也。書曰。懷山襄陵。是也。故古囊無底。前書緣綈方底。後書封以方底。注皆以為方底囊。晉書載記。遂曰。扣囊底餘智。則今囊乃有底。

茶閭曰。其為大小也。若何。薑閭曰。囊則囊爾。何大小之有。詩疏。據公羊。公子陽生。事則囊大矣。男鞶革。女鞶絲。鞶囊佩也。則囊小矣。

茶閭曰。請終言橐矣。薑閭曰。今之橐。乃從木。則柝也。柝者木而虛其中。晝以之為簞。夜以之為枕。因而鳴之以為聲焉。左氏傳。如甯俞之橐。趙盾之橐。肉皆是物也。



不。然。以。體。之。廉。也。肉。之。漬。也。而。納。之。於。布。非。其。用。矣。古。  
囊。橐。字。皆。從。束。故。詩。之。餼。糧。也。裹。之。裹。之。必。束。之。所。以。  
爲。囊。橐。也。說。文。以。橐。爲。囊。以。囊。爲。橐。者。是。也。底。則。不。可。  
以。裹。也。于。橐。又。于。囊。者。言。裹。之。非。一。也。非。以。爲。大。小。也。  
然。則。何。以。爲。括。囊。也。薑。閭。曰。括。亦。束。也。詩。德。音。來。括。薛。  
漢。章。句。曰。括。約。束。也。約。束。亦。謂。之。要。束。束。其。首。尾。又。束。  
之。於。要。所。以。爲。固。也。束。之。于。要。而。一。囊。得。兩。囊。焉。是。重。  
坤。之。所。爲。象。也。

上。之。龍。戰。矣。說。文。曰。戰。妊。也。戰。則。何。以。妊。也。茶。閭。曰。戰。  
以。爲。妊。故。說。卦。曰。戰。乎。乾。毒。以。爲。育。故。師。之。傳。曰。以。此。  
毒。天。下。戰。而。不。妊。春。秋。之。無。義。戰。也。毒。而。不。育。民。之。食。

亂寧爲荼毒也。

龍戰而于野何也。茶閭曰：易于乾言龍，坤之龍亦乾爾。同人於宗，吝而於野，亨。五言大師相遇矣。同人之同，同於師，猶坤之戰戰於乾故。凡言野者，卦之外也。且古者兵不殘國，其戰必于野。書序言啓戰于甘之野，湯戰于鳴條之野。武王之戰于牧野。

屯之彖傳曰：天造艸昧，何以爲艸昧也。茶閭曰：爾雅茅明也。舍人曰：茅昧之明也。茅猶艸矣。昧之明者，自昧而之明，猶書言昧爽，詩言昧旦矣。

雲雷屯而曰君子以經綸，若是其不相屬也。茶閭曰：中庸經綸天下之大經，屬之以肫肫，其仁。康成曰：肫肫讀

肫肫。又曰肫肫。或爲純純。曰肫曰肫。曰純。其文皆從屯。則安得不相屬也。且純純絲也。

盤桓何也。茶間曰。盤桓進之難也。爾雅鉤盤。孫炎曰。水曲如鉤。流盤桓不直前也。禹貢西傾因桓是來。鄭道元曰。桓是隴阪名。其道盤桓旋曲而上。故名曰桓。後書張楷傳。則曰前此徵命。盤桓未至。種岱傳。則曰若不盤桓難進等輩。皆已公卿。舊唐書曰。水經注之說。康成說也。雖然。今之說。則以爲有夷猶自得之意焉。泉明曰。撫孤松而盤桓。朱子亦以考槃之盤爲盤桓。

屯如逴如何也。茶間曰。逴迴也。離騷曰。逴吾道夫崑崙兮。又曰。逴吾道兮洞庭。

乘馬班如何也。茶閭曰：班布也。有行列也。晉公子筮得貞屯。悔豫。司空季子以爲車班內外是也。薑閭曰：吾以象決之。則班別也。左氏傳曰：有班馬之聲。

馬融曰：重昏曰媾。而詩傳則曰媾厚也。箋則曰媾會也。宜何從？茶閭曰：說文：媾，交積材也。象對交之形。媾亦菁也。則重婚勝矣。薑閭曰：媾不與婚同文。則媾亦婚也。曹風之不遂，其媾是也。媾與婚同文，則媾重婚也。左氏傳之如舊昏媾是也。杜說也。

屯其膏何也？茶閭曰：詩：芃芃黍苗，陰雨膏之。箋曰：喻天下之民如黍苗然。宣王能以恩澤育養之，然序則曰：黍苗刺幽王也。不能膏潤天下。卿士不能行召伯之政焉。

由筊之說則膏也由序之說則膏之屯也

小貞大貞何也。茶閭曰。周禮小宗伯。若國大貞。太卜凡國大貞。貞者正也。以正卜也。詩曰。維龜正之。而天府亦云。季冬。陳王以貞來歲之美惡。大貞者。以大事卜也。小貞者。下經凡小事是也。薑閭曰。或且以下經之貞龜爲小貞也。以其言貞而不言大也。茶閭曰。否卜立君卜大封。非常也。曰大貞大遷大師。亦非常也。承大貞以盡其類。爾大祭祀亦大貞也。祭祀大矣。謂之小貞不屬也。皆凡之所舉。爾薑閭曰。是皆然矣。易者筮之事。而言卜何也。茶閭曰。古者筮龜並用。然必先筮而後龜。小貞之吉也。筮從也。大貞之凶也。筮不從也。偶舉之示其例也。

泣血何以漣如也。茶閭曰：詩「河水清且漣漪」，爾雅作「湔」。且「瀾漪」，郭璞曰：「謂渙瀾、渙瀾、沈瀾也。」蓋閭曰：「不見復關，泣涕漣漣，將爲瀾瀾乎？」說文又作「漣」。國策管燕漣然流涕，直作「漣」。

蒙二曰：「納婦吉，何以謂之納也？」茶閭曰：「婚有六禮，而三言納。公羊曰：『納者，入辭也。』」曰：「采曰徵，曰吉，皆所以求婦之禮。」曰：「納婦，馬克者，堪爾克家者。」蓋閭曰：「爾雅：『牖戶之間，謂之辰。』其內謂之家。」孟子女子生而願爲之有家，蒙三之金夫，本義証之於秋胡。雖然，秋胡不可再也。茶閭曰：「何哉？」不聞文中子之所云：「婚娶而論財者乎？」又其甚者，則曰：「刺繡文不如倚市門。」

擊蒙何也。茶閭曰。擊者打也。考工記有句兵。有刺兵。有  
鉞兵。注曰。及也。疏曰。及長丈二而無刃。可以鉞打人。故  
曰鉞兵。書言扑作教刑。又言撻以記之。皆打也。蓋閭曰。  
史記記兵事。多言擊。漢高紀。願從諸侯王擊楚之殺義  
帝者。擊者伐也。擊蒙所以伐蒙也。又鐘曰擊鐘。鼓曰擊  
鼓。缶曰擊缶。磬曰擊磬。夔曰子擊石。拊石。宋儒言重曰  
擊。輕曰拊矣。擊者叩之以發其聲也。大叩而大鳴。小叩  
而小鳴。弟子之於師。當叩而發之。師之于弟子。亦當叩  
而發之。論語不憤不啓。不悱不發。是也。

需二象傳曰。衍在中何也。茶閭曰。衍者。演也。周語曰。水  
土演而民用矣。又楊氏慎曰。衍者。寬平之地。左氏傳有。

呂衍前書有郵衍

何以爲不速之客也。茶間曰：此食禮也。按爾雅：速，徵也。徵，召也。詩以速諸父，以速諸舅。箋亦曰：速，召也。據爾雅也。然考之于禮，則有不然者。鄉飲酒禮曰：羹定，主人速賓。鄉射禮亦曰：羹定，主人朝服，乃速賓。其速之也，必親之。故賓拜辱，主人答拜。賓拜送，爲禮如此，其嚴也。豈曰召之云爾乎？惟公食大夫禮，則曰：不宿戒。戒，不速所以然者，食禮輕也。故曰：不速之客，食禮也。蓋間曰：茶間過矣。鄉飲酒鄉射之速賓也，主人卑也。公食大夫之戒不速也，以公尊也。公食大夫禮，不又曰：大夫相食，親戒。速乎？古之于賓，有三等：曰戒，曰宿，曰速。戒者，衆賓皆在焉。



其前期而宿之與夫羹定而速之皆正賓也。據鄉射鄉飲酒與速者一人而已。餘皆不速之客也。不止三人也。據公食大夫與則不速指正賓而言。安得三人也。伐木之詩爲燕禮而曰陳饋八簋則亦兼食禮然諸父非一父矣。諸舅非一舅矣。俟諸父諸舅之皆至而後命一人以爲之賓。蓋燕之爲禮如是。故箋曰速召也。非鄉射鄉飲酒之所爲速也。其不速而亦來者微也不則狎也。又不則其遽也。亦非公食大夫之不速也。

茶間曰世或言周禮不可以疏周易然易者典禮之書故曰聖人觀其會通以行其典禮吾昨讀三國志則曰卞皇后本倡家太祖于譙納后爲妾于甄皇后則曰文

帝納后於鄴。凡所爲納者。皆以爲易之納婦。至若野廬而丐宿村。醵而闔筵者。今皆以爲不速之客。吾故欲以禮據之。薑閭乃執詩以難禮也。雖然。據食禮而不得請。仍據鄉射鄉飲酒以五爲速客。以初二三爲不速之客。薑閭曰。有是哉。吾前者未知五之爲速客也。其言亦過矣。雖然。欲觀乎易之象者。必究乎易之情。上衰陰也。三陽自爲五來。豈能爲上來乎。其情不浹也。爻曰敬之終。吉。傳以敬之爲未。大夫可以悟矣。夫然則野廬丐宿村醵闔筵者。皆情所不浹。爾事之所有。卽典禮之所該矣。訟二曰。其邑人三百戶。何也。茶閭曰。康成注。小國之下大夫采地一成。其定稅三百家。故三百戶。薑閭曰。論語。

奪伯氏駢邑三百。康成又言三百。齊下大夫之制。齊大國也。曹風三百赤芾。赤芾者。下大夫再命之服也。曹爲次國。亦三百。蓋據孟子大夫倍上士。則大國次國小國並同。

師曰。丈人何也。茶閭曰。論語注。丈人。老人也。薑閭曰。老則長矣。故丈又長也。康成曰。以法度爲人之長。

輿尸何也。若連尹襄老。非乎。茶閭曰。古者生則囚之。死則馘之。至秦而後尚首功。然無有以尸爲軍獲者矣。輿之者。輿而歸也。上之如齊侯之畫宮。而引下之如邾婁之復之以矢。皆所謂輿尸者也。

左次何也。茶閭曰。凡師一宿爲舍。再宿爲信。三宿爲次。

黃問曰。周師以戊午次河朔。六日而至商郊。安得三宿哉。故孔傳曰。次止也。穀梁曰。次止也。維何休亦曰。次者止舍之名。無言三宿者。茶閭曰。春秋之書次如陘如聶北進而次也。所謂善師者不陣也。次滑次郎次雍榆有畏也。卽此經之所謂左次者也。師行進止動關成算。未及三宿。卽列之于策。用爲褒譏事。已遽矣。况諸儒之說以次爲止。爾亦未有以次爲不三宿者。惟十有三年春大會于孟津。不曰至戊午而猶在河朔。河朔則猶孟津也。以河朔言之。不三宿。以孟津言之。安見其不三宿與。執言者聲其罪與。茶閭曰。否。爾雅。訊言也。詩之執訊。易之執言矣。康成曰。生獲之可以言訊者。

大君何也。茶閭曰：孟章句：易有周人五號：帝、天、稱、一、也。王美稱二也。天子爵號三也。大君者，興盛行異四也。大  
人者，聖人德備五也。

比曰：原筮，元永貞，何也。茶閭曰：蒙內坎，比外坎，于蒙言  
初筮，于比言原筮，則筮應爲坎象。推經意，以一爻變爲  
初筮，兩爻變爲原筮，故先儒者曰：原者，再也。坤曰：利永  
貞而已。一爻變爲比，比之五陽居中得位，則元永貞焉。  
兩爻變爲萃，而萃五之辭亦曰：元永貞，以萃之元永貞  
也。益以見比之元永貞也。易之爲元永貞者，比與萃而  
已。未有三也。夫卦之兩爻變者，例在不占而繫比者，乃  
特取不占者以爲之辭，所以極言比之元永貞也。

蓋閻曰。筮固有三爻變。四爻變。以至六爻皆變者。皆占之。今日兩爻變。則例在不占。何從得此駭例也。茶閻曰。大傳曰。天下之動。貞夫一而蒙之辭。亦曰。初筮告再三瀆瀆則不告。再三爲筮之所不告。雖占之而無益也。則不占也。請徵之於左氏傳。韓之戰。其卦遇蠱。鄢陵之戰。其卦遇復。皆不變之卦。則占之。陳敬仲遇觀之否。畢萬遇屯之比。成季遇大有之乾。晉獻公筮嫁伯姬。遇歸妹之睽。晉文公遇大有之睽。崔武子取棠姜。遇困之大過。叔孫穆子遇明夷之謙。南蒯之枚筮。遇坤之比。陽貨筮救鄭。遇泰之需。皆一爻變。則占之。孔成子筮立元。遇屯立繫。遇屯之比。一爲不變之卦。一爲一爻變之卦。則兼

占之。二百四十二年之中。所記占筮之事。並無兩爻三爻變之卦。豈其卦之不遇哉。蓋其時古法尚存。深明賈則不告之義。凡遇兩爻變者。卽置之不占。不占故其卦亦不傳也。

舊聞曰。左氏傳筮占。皆一爻變者。前儒固深以爲疑。今以爲兩爻變。則例在不占。夫豈無不占之徵乎。茶闔曰。有之。襄九年傳。穆姜薨於東宮。始往而筮之。遇艮之八。此五爻變之卦也。史曰。是謂艮之隨。隨其出也。君必速出而已。不占也。而穆姜自占之。國語。晉成公之歸。晉史筮之。遇乾之否。此三爻變之卦也。但曰配而不終。君三出焉而已。不占也。而單襄公追占之。重耳筮返國。得貞。

屯悔豫亦三爻變之卦也。筮史占之但曰不吉。閉而不通。爻無爲而已。雖占而不占也。而司空季子代之占之。又董因筮得泰之八。而自占之曰。是謂天地配。享小往大來。述卦辭而已。亦不可謂之占也。於二百四十二年之中。亦僅得此四事。其他無驗者。史之所不述也。故曰例在不占也。

舊問曰。此四事者。蓋占之畧爾。豈得謂之不占也。茶闕曰。甚矣。舊問之固也。夫所謂占者。必且明爻畫之所以然。傳之於其事。考之古。繇著爲新。繇紀之於史。藏之於櫃。以明其徵應之實。今此四事者。旣筮之而不成卦。豈得無一二言以塞筮者之意。而遂謂之占也。後世如郭



璞筮豫之睽爲三爻變之卦咸之井爲兩爻變之卦遯之蠱亦三爻變之卦考其占法與春秋傳不同蓋別有其所以爲占之術而古之筮法亡矣嗣是而南北史而唐而宋元明占法未嘗以一爻爲限亦未嘗無一二小驗著之於史而皆俚陋淺直無甚奧義其言之而中亦偶爾所以錢占筮占骨占之法相代以興而著占之法永與龜占同廢且釋經者求之於前而不得則當要之於後一事也一筮而不吉則再之再筮而不吉則三之雖楚靈之投龜詬天其愚不至是而經乃喋喋不憚煩垂之以爲戒哉此理易明也蒙之爲是說也非直以譁經而已以今之言占法者各有所主彼我未定故欲直

追古法以破之庶紛紛之論或由是以稍息也  
舊閭曰兩爻變者既爲例所不占司空季子與董因之  
占何以遂驗也茶閭曰晉文伯主其興也特異貞屯悔  
豫之卦試以今法占之則屯之震長男也而變是爲申  
生不有國之象屯之坎中男也居五而變是爲夷吾有  
國而不有國之象屯之互艮少男也變而爲豫之震爲  
長男且仍以互艮之爻爲長男是爲少男主器之象其  
爲吉也豈特兩曰利建侯而已司空季子之占淺之乎  
爲占也重耳之入國事在不疑筮而不吉將庸已乎故  
二人者不得不爲此說蓋猶張公謹投龜之意爾而不  
虞其遂驗也此固非常理可論也

薑閭曰。雖然。是說也。吾終疑之。茶閭曰。易於乾用九。於坤用六。此薑閭之所知也。今穆姜遇隨。而曰。是謂艮之八。晉語。是謂泰之八。屯之豫。則曰。皆八。以不變之爻。皆八。故曰。皆八也。夫然。則乾之否者。不變之三爻。其爲七。可知。占九而不占七。占六而不占八。雖市瞽。猶知之。而薑閭顧未之知乎。薑閭曰。易林補遺。引京房占變。有所謂一爻動。則變。亂動。則不變者。其諸八之說乎。喻之矣。不寧方來何也。茶閭曰。考工祭侯之辭曰。惟若寧侯。母或若女。不寧侯。不寧方者。猶詩所謂不庭方也。或曰。方來。猶困之朱紱方來。故梓材曰。庶邦享作兄弟。方來。又諸侯射鯉。首先儒謂鯉之爲言不來。

屯初者利建之候也。傳曰：宜建侯而不寧，何也？茶閭曰：吾固欲言之。屯初在屯，爲利建之候，而在比則爲後夫。當屯之時，天造艸昧，唐虞以前幽并營三州固有不入於職方者。比五卽乾五，正所謂首出庶物，萬國咸寧者。而曰不寧，安得不行？後至之誅乎？按震初有後象，震之象，得震初之象，傳皆曰：後有則坤辭曰：先迷後得主，復上之迷復，先迷也。復初後得主也。同人與旅之號笑睽之張弧脫弧，明夷之入于地，凡言後者，皆震象說別詳。易以陽爲夫，以陰爲婦，尤斷在不疑，其以比之上陰爲後夫者，非。

建萬國何也？茶閭曰：康成尚書注以爲十二師五長之

所統得九千六百國。其四百國在畿內。開方法也。董閭曰。左氏傳。禹會諸侯於塗山。執玉帛者萬國。疏家蓋全引康成之說。驟讀之以爲先儒之說。經細入毛髮如是。雖然。萬國曰萬。萬民曰萬。萬物曰萬。萬者數之最多者。爾國之萬可以開方算也。民物之萬不可以開方算也。小畜之三曰。夫妻反目何也。茶閭曰。說文兩目不相視曰睽。反目者睽也。於小畜言睽又何也。茶閭曰。互卦也。上離而下兌爲睽。小畜之三其互睽者也。故雖小畜有睽象焉。董閭曰。先儒之言反目。但曰離爲目。爾然必兩目而後可以反一目。則不可以反言互卦者是也。

四曰有孚血去惕出。渙上曰渙其血。去逖出其辭同而

惕與遯不同何也。茶問曰：此特血同耳。惕與遯不同去與去出與出亦不同。是何也。兩經者蓋辭同而讀不同。小畜之象傳曰：有孚惕出則血去之。爲連文可知也。當以血去惕出句。渙之象傳曰：渙其血則去遯出之。爲連文可知也。當以去遯出句。此孔子之讀也。

讀不同則其義之不同何也。茶問曰：此本爲易之艱辭。今姑以意卜之。其在小畜則血險也。惕憂也不憂則險能憂則不險。故其去藏也。其出顯也。血去惕出者猶曰：血藏而惕顯。爾書之智藏。瘝在其句例也。出之爲顯。易知若去之爲藏。則以去之爲弃也。故蘇武傳：掘野鼠去艸實而食之。裴松之三國志注亦謂古人以藏爲去。

渙之義何也。茶閭曰：在渙之義，則曰既渙其血矣，似可以留矣，乃猶去之，不特去之而已。且逃，出也；逃者遠也。按李氏易解，坎爲血，爲逃，逃，憂也。故漢書王商傳：無怵惕憂，作無怵惕憂，惕之與逃，通字。爾何必兩解也？茶閭曰：通字豈易言哉？夫過，逃也；逃與惕，通過尤當與惕通。在抑之詩曰：修爾車馬，弓矢戎兵，用戒戎作用，過蠻方，使改爲用惕，蠻方則文從而理順，亦何不可者？乃傳曰：過遠也，箋以遠爲未安，寧紆而之，剔而斷，不敢作惕者，誠慎之也。且逃之與惕，在他處或可通，在此二文則必不可通。小畜之象傳曰：上合志，惕則志也。渙之象傳曰：遠害而逃，則遠也。聖人已有定詁，而必故違之，不可也。

何以謂之攀如也。茶間曰：說文：攀，係也。手病曰攀。以手  
病而連，似係也。又戀也。前書：李夫人傳：上攀顧念我。蓋  
問曰：詩：變彼諸姬。諸姬非一姬，則變似有連義。而毛鄭  
以來，皆以爲好也。戰國策：攀子之相似，亦作攀。

上曰：尚德載，何以爲載也。茶間曰：晉語曰：君若求置晉  
君而載之。又曰：重耳若獲集德而歸載。韋昭注：載，成也。  
此尚德載之所爲載也。與他載異也。

履虎尾不咥人，何以謂之咥也。茶間曰：訟之有平室。馬  
融本作咥，讀作躓。注：猶止也。鄭則曰：覺悔貌。說文於咥  
有詩音，無易音。有詩義，無易義。易音易義，並徐鉉所增。  
則以爲咥，齧也。蓋問曰：履之咥爲齧馬。鄭義並同。見文。



選注可考不必說文也。訟義似各出不可用。

何以爲素履也。茶閭曰：仲尼燕居曰：不能樂於禮。素注：素猶質也。薑閭曰：中庸素隱，素其位而行。康成曰：素，讀爲攻城攻其所係之僚。

幽人何也。茶閭曰：易之言幽人者，二皆兌中，皆言貞則幽者，貞與蹢躅欲何之。幽人在浚谷，則同幽人居。郊扉常晝閉。自晉宋以來，以隱處者爲幽人矣。又詩傳以窈窕爲深宮之幽閒。

何以爲武人也。茶閭曰：易之言武人者，亦二一爲履三，一爲巽初履三爲互巽之初，故同爲武人焉。古者入公卿出將帥，無文武之說。秦以丞相總百揆，太尉掌五兵。

遂爲文武分途之始。至于周隋之間。勢不可復合矣。然  
武人之稱。則舊有之。如所云。武人東征是也。兎置者。文  
王詩也。而曰糾糾武夫。序曰。關雎之化行。則賢才衆多。  
雖簡之實美之。然卻至之言曰。世之治也。政以禮成。民  
是以息。此公侯所以扞城其民也。諸侯貪冒。侵欲不已。  
爭尋常以盡其民。畧其武夫。以爲已腹心股肱爪牙。則  
又以武夫爲陳三家之說。未與春秋時名卿賢大夫誦  
詩三百。以使于四方。雖卻至乎其學之通洽。有如是者。  
其曰爲于大君何也。茶閭曰。師之大君爲坤三臨之大  
君。爲互坤之三履之大君。爲兌三兌三亦坤三也。臣道  
弗政成艮者。萬物之所以成始而成終者也。故凡言大

君皆有爻變之義存乎其中。

何以爲惴惴也。茶閭曰：公羊傳：靈公望見趙盾，惴而再拜，何休以爲驚也。然惴驚也，惴惴非驚也。故子貢傳曰：惴惴恐懼也。

泰二曰：馮河何也。茶閭曰：詩傳曰：馮陵也。陵亦作凌，徒涉之義也。董閭曰：按說文：馮，馬疾走也。大川也。而馬涉之，蓋如所謂策馬亂流徑渡者。

中行何也。茶閭曰：論語：中行，孟子作中道，則中行中道也。然論語之中行，適于狂狷之中爾。其在易，則以二五爲中行，統六爻言之，則又以三四爲中行，復有五陰四居五陰之中，則又以四爲中行。

翩翩何也。茶閭曰：詩緝緝翩翩傳曰：往來貌。此之翩翩則來爾。翩翩何姍姍。其來遲可証也。薑閭曰：翩翩者言其翩之非一也。俗謂之聯翩矣。且翩何姍姍者。其容也。故詩又有之曰：旃旒有翩。史記亦曰：翩翩濁世之佳公子。曰來曰聯曰容。兼三義而有之。是易之翩翩也。何以謂之隍也。茶閭曰：爾雅隍垆也。又隍垆虛也。城之所築。隍之土爾。故城成而垆虛也。薑閭曰：唐人言十口溝隍。猶溝垆矣。又有水曰池。無水曰隍。傾否何也。茶閭曰：傾欹也。詩之傾筐。韓詩謂之欹筐矣。薑閭曰：鼎言出否。傾否則出之盡也。魯有欹器。滿則傾矣。蓋欹者傾之半覆者傾之全。

同人之象傳曰。君子以類族辨物。何以爲類族也。茶閭曰。九族見堯典。三族見士婚禮。族之說繁矣。未暇悉也。雖然。左氏傳有之。同姓于宗廟。同宗于祖廟。同族于禰廟。敢爲兩言以括之。曰。分族以氏。統族以宗。薑閭曰。則何以爲辨物也。茶閭曰。物者。親疎長幼之序。衰麻哭踊之等。辨之者。仁人不過乎物。孝子不過乎物。薑閭曰。是傳也。爲臨于周廟發也。未審何周廟。且周廟何以爲宗廟也。茶閭曰。魯爲宗國。故有宗廟。宗廟者。山王廟也。故謂之周廟。魯之出王。則文王也。吳于魯爲同姓。蔡衛曹滕于魯爲同宗。三家于閭僖爲同族。薑閭曰。雖然。茶閭知有三族九族。而未知有百族也。蜡辭曰。土反其宅。水

歸其塋。昆蟲毋作。艸木歸其澤。其爲類族辨物也。不旣多乎。

二曰同人于宗何也。茶閭曰。吾前言統族以宗。則所謂百世不遷之宗。五世則遷之宗。已約畧舉之矣。然于爻義無當焉。此之于宗。蓋對野言之。不過曰門以內云爾。國語男女之饗不及宗臣。宗室之謀不過宗人出門而同。故无咎不出門而同。故吝也。且雜卦曰同人親也。何以爲號咷也。茶閭曰。號咷不止也。史記韓延壽傳歌者先居射室。望見延壽車。噉咷楚歌。噉咷不止也。說文曰。楚謂兒泣不止曰噉咷。噉亦號也。公羊言昭公噉然而哭矣。

大有何也。舊閭曰爾雅。幪。厖有也。疏曰二者又爲有言大有也。其於厖引左氏傳。民生敦厖。其于幪引魯頌。遂幪大東。

魯頌曰遂荒大東。此曰遂幪大東何也。舊閭曰在疏固言之。以爲所見本異也。然傳固以爲荒有也。而箋則曰荒奄也。奄則覆覆則幪矣。說文幪覆也。西居允荒。太王荒之。則傳皆曰荒大也。惟國語亦曰荒大也。由此言之。幪大有荒亦大有也。泰之二曰包荒。亦當據詩以釋之。第以要荒之荒當之。非其義也。茶閭曰雖要荒之荒亦大有也。

四曰匪其彭何也。茶閭曰詩屢言彭彭無言彭者。雖然。

彭卽彭彭矣。小雅曰：出車彭彭。大雅曰：駟騶彭彭。魯頌曰：以車彭彭。皆言馬也。言馬之盛有力有容也。惟齊風之行人彭彭，則人也。言人之多也。大有初二三爲乾乾爲良馬，則言馬可也。且三曰公用享于天子矣。三陽非羣侯之旅朝者乎？羣侯之旅朝多矣，而有車有馬又皆有力有容也。此其所以爲彭者也。三陽之來自爲五來，非爲四來，則彭者五之彭，而匪四之彭。四者天子之宰也，四爲天子之宰舊矣。于大有必曰匪其彭者，五陰而四陽，故尤謹之也。薑閭曰：說文以彭爲鼓聲。彭彭者，鼓聲之非一也。故遂以彭彭爲盛辭。

謙二之鳴謙則貞吉，上之鳴謙則志未得何也？茶閭曰：



二之所處卑其鳴謙所謂始見君子辭是也謙之而中心得不謙而不得也上之鳴謙則惟予小子無良非我小國敢弋殷命是也利用行師而已矣故曰志未得也撝謙何也茶閭曰撝揮麾字並同王左杖黃鉞右秉白旄以麾而淮南曠曰而撝之作撝公羊楚莊王伐鄭親自手旄左右撝軍皆是也其撝之何也茶閭曰撝者却之也蓋曰吾謙也乎哉雖然撝之正其所以爲謙者也豫三曰盱豫何也茶閭曰盱望也又字林曰盱張目也詩曰壹者之來云何其盱三都賦亦曰盱衡而語薑閭曰爾雅以盱爲憂疏引卷耳及彼都人士考之今詩則彼都人士盱也卷耳吁也非盱也然盱固有吁義矣則

盱者憂之故張目而望之也

冥豫何也茶閭曰冥夕也豫之上曰冥豫升之上曰冥升爾雅曰冥幼也康成論語注曰民冥也其旨微矣而非上義也

隨之象傳曰君子以嚮晦入宴息何也茶閭曰王藻君日出而視朝退適路寢聽政使人視大夫大夫退然後適小寢釋服康成曰路寢所以治事小寢以時燕息焉雖非注易之文然而易注矣薑閭曰由其義而廣之則君子晝居於內問其疾可也又宰予晝寢子曰朽木不可雕糞土之牆不可朽

初曰官有渝何也茶閭曰官位也位者上下之等也易

通卦驗曰。天地成位。君臣道生。天上而地下。中庸謂之。天地位而樂記謂之。天地官。天地亦官也。而況其職。天地之事者乎。淪者變也。否之爲卦也。天上而地下。而隨初爲變之始。故曰。官有淪。蓋閻曰。訟不可終。則淪之。豫不可長。則淪之。否之不可終。不可長。審矣。是安得不淪也。以否之天上而地下也。因而象之以官。案賈公彥曰。堯時。天官。稷也。地官。司徒也。伯禹作司空。其後禹登百揆之任。捨司空之職。爲共工。與虞故。垂作共工。益作朕虞官。以職天地之事。然自雲紀。水紀。龍紀。鳥紀。以至六十百。二十二百。四十三百。六十。蓋未有不變者。茶閻旣畧舉其端矣。再闡之以終其說。

維繫也。既繫之而又維之何也。茶閭曰。詩繫之維之所  
以維駒也。既繫而又維之者也。紉纚維之所以維舟也。  
既纚而又維之者也。互艮手拘之。互巽繩繫之而兌爲  
倒巽。故又有乃從維之之象。案康成儀禮注謂繫聯之  
曰維。交出背上于胸前結之謂之四維。爾雅從重也。

盤之初曰。幹父之蠱。有子考无咎。按記。生曰父母死曰  
考。妣。爾雅疏駁之。然其所據諸文。要無父考並見者。今  
既曰父又曰考。于文爲不順。意者其爲洪範考終之義  
與。茶閭曰。象傳以幹父之蠱爲意。承考則考父也。父與  
考之並見也。其生者與則大誥之君考作室。厥父留其  
死者與則士喪禮之卜葬其父其甫考降。蓋閭曰。士喪

禮所云雖死而不得謂之死何則未耐也生而致死之是不仁也方言南楚謂婦妣曰母姒稱婦考曰父姒父母妣考之並見雖在里俗之口亦有之

高尚其事何也茶閭曰事者艮也震得乾之元艮得乾之貞故文言曰貞者事之幹也又曰貞固足以幹事蠱之爲卦也以艮爲主卽以事爲名其彖傳曰往有事其爻辭則曰高尚其事曰蠱上自初往不事王侯初也高尚其事上也然上可以言尚而不可以言高說卦曰巽爲高艮何高乎茶閭曰巽五之先庚後庚一變而爲蠱故申命行事則在巽亦言事申命者巽行事者艮矣史公謂孟子之學長於詩書以孟子不言易也唯王子塾

一義爲孟子之易疏。雖言尚不言高。而高在其中。後書黃忠之于中屠蟠也。則曰先生抗志彌高。所尚益固。何以謂之臨也。茶閭曰。臨有以上臨下之義。故地臨澤。澤臨地。互爭而未有定。今姑以論語言之。如臨之以莊。如以臨其民。皆所謂上臨下者。然曰臨事。曰臨喪。曰臨大節。不皆上之臨下矣。把酒臨風。則風可臨。臨別贈言。則別可臨。必以臨爲上臨下。蓋非也。則何以謂之臨也。茶閭曰。臨也者。至也。

曰左氏傳曰。不行之謂臨。有帥而不從。臨孰甚焉。古義也。而不從何也。茶閭曰。傳之所謂不行。以川壅爲澤。故則師之變也。杜預之注曰。水變爲澤。乃成臨卦。澤不行。

之物不行者象爾非義也。

曰序卦曰有事而後可大故受之以臨臨者大也孔子之義而又不從何也。茶閭曰孔子之釋臨也曰剛浸而長序卦之所謂大者猶曰浸而大爾臨之爲大也猶復之爲小也故曰復小而辨于物矣而復非小也則臨非大也升爲臨之變傳乃曰積小以高大其証也則大者臨之體也亦非臨之義也。

曰臨之爲至也孰詰之茶閭曰彖辭自詰之至于八月是也曰然則臨者八月乎茶閭曰凡至皆臨也至于八月亦臨也故曰臨也者至也。

何八月也茶閭曰兌爲八月說卦傳曰兌正秋也正秋

則八月也。何以爲至于八月也。茶閭曰：以卦之位言之，必由坤而兌，臨之爲卦也。坤而兌，故曰至于八月也。四坤初也。其辭曰：至臨可驗矣。然則何以有凶也。茶閭曰：至于八月，則將戰乎乾，故有凶也。

曰：八月，觀爾。至于八月，覆卦之辭爾。茶閭曰：京房設十二辟卦，以主十二月，則觀主八月。然其說以乾坤生十二辟卦，至于寶以十辟卦，生乾坤。又以坤之四主八月，易義非一端可盡。先師衆矣，未暇以詳也。

正秋者，夏八月也。易之用夏時，何也。茶閭曰：時則時而已矣。唯有殷之時，有周之時，而後別之爲夏之時。姑以八月言之。孟子七八月之間，無論蘇代曰：至歲八月降。



雨下溜水至則汝殘矣。雖戰國之時猶有周之八月焉。然八月荏葦八月在宇夏八月也。三統迭更與授時成歲之法不相妨也。不得援春秋以爲例也。薑閭曰孔子于杞得夏時于宋得坤乾皆言易也。惟其易故曰坤乾之義夏時之等兌正秋爲夏時坤乾也者。大傳曰闔戶謂之坤闔戶謂之乾一闔一闢謂之變往來不窮謂之通。

臨至也則四之至臨不爲至至乎茶閭曰至之則臨之何必至至也卽至至亦何不可者。文言曰知至至之謂坤初也至至也至之則臨矣曰知至至之爲坤初又何也。茶閭曰坤初坤元也坤之彖傳曰至哉坤元又坤

初之辭曰履霜堅冰至易凡言至者皆坤初

觀二曰闕觀利女貞何也茶閭曰闕者觀之小者也在女則可矣故曰利女貞禮婦言不出于梱故公父文伯之母于康子闕門而與之言又史記管晏列傳曰其御之妻從門間闕其夫

四曰利用賓于王此何賓也茶閭曰觀有廟象此助祭之賓也書有之曰虞賓在位又曰作賓于王家是也薑閭曰大宗伯以賓禮親邦國其賓之必於廟不于廟者惟燕禮爾按禮王者有所不純臣君與朝廷之臣行禮燕饗則使人爲主是純臣之也天子與諸侯相對爲賓主行禮是爲不純臣賓于王卽不純臣之義所該廣矣

康成獨以鄉三物當之亦非也。

觀辭三言生。或曰生者辭也。茶間曰生也。而辭乎哉。三之我生。我之生也。所謂生平者也。五之我生也。汝萬民乃不生。生故引而我之所謂一夫不獲時予之辜者也。上之觀其生。則曰天下之生久矣。以生爲辭。是作麼生也。夫作麼生。則豈可以說經也。

噬嗑之二曰噬膚。本義曰祭有膚鼎。蓋肉之柔脆者。茶間曰膚革也。少牢雍人倫膚九。實于一鼎。又曰膚九而俎。亦橫載革順。注膚者。有革肉革順者。相次而作行列。以膚革相順也。亦橫載者。骨體橫載。膚之橫載。一依骨體以別于魚之縮載也。

三曰噬腊肉。本義曰腊肉。謂獸腊全體骨而爲之者。茶  
閭曰。康成腊人注。腊小物全乾而疏。則曰士腊用兔。是  
其小物全乾者。故特牲曰。宗人舉獸尾告。備少牢。用麋  
不云舉獸尾。則非全也。薑閭曰。少牢固云一純而鼎注  
合左右胖曰純。純者全也。獸腊體數與牲同。而言肉者  
噬之。則得其肉也。

四曰噬乾肺。本義曰肺肉之帶骨者。與載通。茶閭曰。曲  
禮左殽右載。注。殽骨體也。載切肉也。疏又申之曰。帶骨  
而齧曰殽。純肉切之曰載。是載是肉之不帶骨者。正義  
謂是齧肉之乾者。以肺爲載矣。而不謂其骨也。馬融以  
肺爲有骨。而不謂其載也。字林云。含食所遺。則說文之

解也。

五曰噬乾肉。本義曰：噬乾肉，難于膚而易于肺。腊者，也。茶閭曰：康成腊人注，其意謂大物解肆，乾之謂之乾肉。乾肉之中有薄析者，曰脯。有施薑桂者，曰鍛脩。唯小物全乾者，乃謂之腊。然據經則脯、腊、臠、胖皆謂之乾肉。且脯、臠、胖皆腊物。蓋閭曰：腊人所掌田獸耳。夫獨無六畜乎？膳夫掌王后世子之膳羞，凡肉脩之頒賜，則所該廣矣。肉者濡肉也。脩，乾肉也。

賁二曰賁其須何也。茶閭曰：須，頰毛也。或言六經無須，然喪大記亦言爪手翦鬚矣。蓋閭曰：非也。須，班也。於文，文爲𠂔，而班爲斑。論語文質彬彬，朱子曰：彬彬猶班班。

而玉藻大夫以魚須文竹康成謂以魚班文其竹曰須之必爲班何也。薑閭曰是爻也。所謂柔來而文剛者也。夫文班也。又卽所謂分剛上而文柔者也。分亦班也。孟子頌白者班白者也。故須之爲班無疑也。且據之釋文則賁亦班也。

薑閭又曰蒙不識字。昔者蓋嘗慎破字。苟可須何必班也。然以須爲頰毛。則象傳之與上興無解也。曰然則何以爲與上興也。薑閭曰旅之爲卦也。上離而下艮。是以否之五爲旅之三者。故三之象傳曰以旅與下賁之爲卦也。下離而上艮。是以泰之二爲賁之上者。故二之象傳曰與上興旅三曰與下而旅五曰上逮五之陽下而

與三三之陰上而逮五也賁二曰與上興而賁上曰上得志上得志者興而得其志也與上而謂之興者同人之三不曰三歲不興乎可例也茶閭曰吾今而知須之爲班矣

賁如濡如何也茶閭曰濡潤澤也詩曰羔裘如濡又儒行之疏曰儒者濡也以先王之道能濡其身夫以先王之道濡其身所以爲賁如者也

賁如皤如白馬翰如何也茶閭曰申伯番番番番艮土皆皤也皤如白也檀弓殷戎事乘翰翰白馬也皤如而又翰如人白馬亦白也凡言皤者有二一曰首之皤一曰腹之皤此首皤矣薑閭曰于詩于書于爾雅音詰皆

反之茶閭肆矣哉雖然既白馬矣則翰如非白馬也烏  
翰也言乘此白馬而去者如鳥之疾也夫言辭者必有  
當于象言象者必有當于變此又有一變存焉偶舉之  
不復矣。

何以爲白賁也茶閭曰記曰三年之喪人道之至文者  
也又伯母如母疏衰踊不絕地姑姊妹之大功踊絕于  
地知此者由文矣哉由文矣哉蓋閭曰大哉言乎

剝五曰貫魚何也茶閭曰釋文曰貫穿也王弼以爲駢  
頭相次似貫魚也論語予一以貫之詩及爾如貫皆穿  
義故緡錢曰貫矣異陰爲魚以異繩貫之剝自觀而來  
故彖傳曰觀象也雖有他說不敢異也



其異者何也。茶閭曰：康成劇信婚義，以爲天子一后三夫人九嬪二十七世婦八十一御妻，又爲區畫其進御之法，纖悉具備，然而不敢信也。其不敢信何也？茶閭曰：以周禮按之，九嬪而已，無所謂三夫人也。又天官有世婦，春官亦有世婦。天官之世婦不言數，春官之世婦則曰每宮卿二人，下大夫四人，中士四人。賈公彥以爲奄人爲之，然天子之卿六人而已，奄卿乃有十二人乎？康成乃以漢之大長秋詹事中少府太僕爲比，然天官已有宮正，宮伯內宰矣。且考其所職，春官之世婦與天官之世婦無以大相異也。天下無一職而兩其官者，亦無兩官而一其名者。世婦之在周禮，本爲疑文。况周禮之

於世婦並未於九嬪之下。鑒然列爲一等。而婚義則列之。又婚義之御妻。周禮謂之女御。御則豈特天子有之。雖士亦有之。士婚禮曰。媵。媵主人之餘。御餽婦。餘此豈得謂之妻也。內司服女御二人。縫人女御八人。然而女酒女漿女澆女醢女醯女醢女鹽女寡女祝女史女二共二百一十七人。皆謂之女奴。使其非女御與。則其序于奄之下。與女御等也。使其卽女御與。則何止八十一人也。夫然則將何以爲之說也。茶閭曰。此非蒙之所敢知也。雖然。間嘗臆之。國語曰。外官不過九品。內官不過九御。月令曰。后妃帥九嬪。御卽周禮亦曰。九嬪掌婦學之法。以教九御。則宮中自后而下有嬪。自嬪而下有御。不必

如婚義之說曰。以后統九嬪。以九嬪統九御。九御當爲八十一與。抑不止於八十一與。茶閭曰。吾固言之矣。此非蒙之所敢知也。

則何以爲以宮人寵也。茶閭曰。周禮宮人掌六寢之脩。則奄也。自漢唐以來。凡在宮中無位號者。皆謂之宮人。矣。卽在明史都人子一言。遂爲三案之本。易之宮人並非周禮之宮人。而爲漢唐以來之宮人。殆卽所謂女御者與不則并。所謂奚者而統言之。與要之以時叙御于王所。必以德言容功叙之。而不必如康成之法。其在詩曰。夙夜在公。實命不同。抱衾與裯。實命不猶。御于君者。但以其次而已。而何命之不同不猶也。

以宮人寵則能推貫魚之澤而溥之所謂不妒忌而能  
逮下者此其所以无不利乎茶閭曰此剝也此剝之五  
也四曰剝牀以膚矣聖人之意蓋曰此以宮人寵者以  
之宏樛木之仁衍螽斯之慶則無不利矣而不然者將  
并其心腹腎腸而剝之其所剝豈直膚而已哉薑閭曰  
旨哉言乎

復之无祗悔何以謂之祗也茶閭曰詩壹者之來俾我  
祗也傳曰祗病也箋曰安也胡逝我梁祗攬我心傳箋  
皆以爲適也此之无祗悔王肅本作視前書韓長孺傳  
司馬遷傳祗取辱皆作視取辱皆適也適者但也薑閭  
曰論語多見其不知量正義曰古人多祗同音左氏襄

二十九年傳多見疏服虔本作祇見疏後書郎顗傳思  
念過咎務消祇悔章懷注曰祇大也

頻復何厲頻巽何吝也茶閭曰頻蹙也召旻曰國步斯  
頻矣惟蹙故復厲而巽吝也今之言頻者數數然爾何  
必蹙也茶閭曰孟子數咎讀如蹙則數非蹙乎且頻蹙  
謂之蹙其蹙也。不一蹙而已也。其蹙也亦其數也。召旻  
又曰池之竭矣。不云自蹙則頻又。厓也。厓則蹙矣。故曰  
頻蹙也。

无妄之象傳曰茂對時何也茶閭曰茂懋也懋勉也書  
曰懋哉懋哉左氏傳曰茂哉茂哉又周頌曰敷天之下  
裒時之對

勿藥何也。茶閭曰：醫師之所屬，先食醫而後疾醫。疾醫之所掌，先五味五穀而後五藥。薑閭曰：義有以深而反失之者。曰：諺有之曰：有病不治，當得中醫。

大畜之曰：閑輿衛。釋文曰：劉云曰：猶言也。鄭云：日習車徒。今疏從劉。本義從鄭矣。茶閭曰：顧炎武曰：臯陶謨思曰：贊贊襄哉。與此之曰：閑輿衛，二義皆可通。今本旣從曰：則曰可也。惟穀梁之曰：辘子嬰兒當從日，以義在日也。薑閭曰：呂刑今爾罔不由慰，日勤應作曰：今本從日。爾雅曰：四達謂之衢。天何衢也。茶閭曰：道路也。衢亦路也。天可以言道路，獨不可以言衢乎。王道四達而不悖天，道獨非四達而不悖者乎。且洪範曰：日月之行，則有冬。

有夏。以日月之行于天也。天安得無衡。如所云赤道黑道黃道是矣。故王肅曰。日月行有常度。君臣禮有常法。以齊其民。

頤曰自求口實何也。茶閭曰。頤曰自求口實。仲虺之誥曰。予恐來世以台爲口實。頤之爲道。言語飲食而已。故有口實之戒焉。薑閭曰。自求口實。觀其自養也。聖人之釋經也。而牽引浮說。徒爲餽飾。則何爲矣。王使榮叔歸舍。且賙公羊曰。舍口實也。是又一口實也。其不可證。頤之口實亦明矣。

大過之初曰。藉用白茅。何藉也。茶閭曰。其位在初。有藉象焉。則謂之藉爾。豈必指其物哉。薑閭曰。鄉師其茅。箱

鄭大夫讀箱爲籍而莊子言十日戒三日齋藉白茅加女肩尻乎彫俎之上則古者蓋于性有藉以子證經可也二曰老夫得其女妻五曰老婦得其士夫鄭注曰以丈夫年過娶二十之女老婦年過嫁于三十之男皆得其子信乎茶閭曰士昏禮注婦人五十不復嫁男子六十不復娶爲鰥寡之限故唯宗子雖七十無主婦可以再娶詩之言告師氏公羊伯姬傳至母未至逮火而死曰師曰傳曰母皆婦人年過五十而不嫁者爲之或曰曲禮七十曰老五十豈得爲老婦乎薑閭曰夫人自稱于天子曰老婦其不皆七十可知也康成但謂之過而不以年斷之是也



四日有他吝何也。茶間曰：易三言有他，惟比初之有他，繫乎吉言意外之吉也。大過之四與中孚之初爲同辭。離騷曰：初旣與予有成言兮，後悔遯而有他。

上曰：過涉滅頂何也？茶間曰：詩濟有深涉，傳曰：由膝以上爲涉，巽爲股，所謂由膝以上者而乾爲首，滅頂以互乾言之也。後書趙典傳曰：於易一爲過，再爲涉，三而弗改，滅其頂，因此未知其何師也。

習坎何也？茶間曰：習鳥數飛也。小過爲兼畫之坎，而曰有飛鳥之象焉。重坎之卦，其象鳥數飛固也。薑閭曰：六二之動則坤之爲坎者也。然以直方大居之，不可以有再也。則不習无不利焉。兌者半坎也，其象傳曰：君子以朋友。

講習孔安國書傳曰習固也

左氏傳曰盈水名也子水位也今彖傳曰水流而不盈何也茶閭曰水不可以竭故取乎盈焉水不可以溢故取平不盈焉不盈所以善其盈也序卦于屯曰盈于謙則又曰有大者不可以盈兩義未嘗不並見曰不盈而既平禹功也而五之象傳謂之中未大何也茶閭曰水之不盈也莫如海而地則振之自水而言則海大自海而言則地又大大也者地德也

行險而不失其信何也茶閭曰險者水也行險猶之行水也此以流而不盈歸其功于行水之官也或曰水以就下爲信埋之則失其信不埋則不失其信或曰川以

洩之澤以鍾之節兼川澤者也故序卦曰節而信之周禮注亦曰節者信也夫節之與坎異者初而已矣又今之候水者于春曰春信于秋曰秋信于伏曰伏信吳越之間謂潮曰潮信

叢棘何也茶閭曰周禮掌囚其上罪中罪下罪皆闔之以木今係用徽纆而已此殆月令之所謂輕繫者如論語之縲紲是也其在周禮則司圜之掌與後世凡選人之署校士之場皆棘之刑禁之所無論矣而于古無可考故康成以爲卽九棘之棘公羊穀梁注皆引之王莽作叢棘之刑亂制無足道然載在前書其他則不敢妄爲之說也薑閭曰此於經有之而茶閭或未之察也青

蠅之詩。蓋遭讒而在繫者也。故首章曰。營營青蠅。止于樊。其次章曰。止于榛。其三章曰。止于棘。榛猶棘也。榛與棘。則所以爲樊者也。夫青蠅比也。比者。就所見而比之。止于棘之棘。非叢棘。與春秋傳。吳藩衛侯之舍。以將執衛侯。囚邾子益于樓臺。則柝之以棘。此可證矣。夫然則三歲不得何也。薑閭曰。得者。得其罪也。故論語曰。如其情。金縢曰。周公居東二年。則罪人斯得。今係用椒糲。寘之於叢棘。至于三歲。而仍不得其罪也。受之者之凶。與坎上爲耳。司聽之謂何也。故象傳以凶。三歲爲上六之失道也。

離之象傳曰。明兩作何也。茶閭曰。於文。日月合。謂之明。

禮器曰大明生於東月生於西而中庸則曰如日月之  
代明代明繼明也曰離象日不象月如之何茶閭曰離  
之爲日也說卦文也然易三言月幾聖小畜歸妹爲互  
離中孚爲大離且天無二日而卦有兩離日者象之常  
也月者象之偶也

四曰棄如何也茶閭曰按康成注以死如爲殺人之刑  
棄如爲流宥之刑董閭曰王制刑人于市與衆棄之謂  
肉刑也周禮掌戮墨者守門劓者守關則猶未棄之也  
刑之而屏之遠方不及以政則棄之矣然秦漢以來謂  
死刑曰棄市

春秋之例王者無出上日出征何也茶閭曰不嫌也出

而征則非居于鄭居于狄泉之可例也。周禮大司馬若  
大師則掌其戒令。泄太卜師執事。泄釁主及軍器。注大  
師王出征伐也。若然則王親出謂之大師。王不親出謂  
之師。啟伐有扈。成王翦奄後世乃以親征爲非。舛矣。易  
蓋于師。明命將之。禮于比。明教戰之。禮于同人。與離。明  
親征之。禮折者。屈也。孟子屈其枝。謂之折枝。此屈其首  
則謂之折首。若崩厥角是矣。謂之有嘉者。舊梁汙俗咸  
與維新王者之六也。詩言執訊獲醜。此曰獲非其醜者。  
王用出征以正邦爾。天下無不正之邦。所獲多矣。何必  
獻囚。獻馘之。戔戔者乎。而以爲功乎。益以見王者之大  
也。